



Isalathiso: 20160922-4433  
3/1/1/1/1/5  
Imibuzo: Jonga kuMhlathi 11

ISetyhula: 0042/2016  
Umhla wokuphelelwa: 31 Matshi 2018

Iya: KumaSekela Balawuli-Jikelele, kuBalawuli abaziiNtloko, kuBalawuli, kuBaphathi beeSekethe, kwiiNtloko zoQuquzelelo neNgcebiso ngeze-IMG, kumaSekela-Balawuli kwii-ofisi zezithili, nakwiiNqununu nakooSihlalo bamaBhunga oLawulo ezikolo zikarhulumente eziqhelekileyo ezingekho phantsi kwesiqendu 21

Isishwankathelo esifutshane: *linkcukacha ezimalunga nolwabiwo-mali lwezikolo ezingekho phantsi kwesiqendu 21 lonyaka-mali 2017/18 nesikhokelo sokuthengwa kweempahla neenkonzelo.*

**Isihloko: Izikolo ezingekho phantsi kwesiqendu 21: Imimiselo nemigangatho yengxowa-mali yezikolo kumaBakala 1-12 – ulwabiwo-mali lonyaka-mali ka-2017/18**

## 1. Ulwabiwo-mali

linkcukacha zolwabiwo-mali lwetyhutyana ngokwemimiselo nemigangatho yolwabiwo-mali (*norms and standards (N&S)*) zesikolo sakho esingekho phantsi kwesiqendu 21 zale minyaka mithathu izayo yethuba eliqala nge-01 Apreli 2017 ukuya kwi-31 Matshi 2020, ziyafumaneka kwiCEMIS kwaye zinokufikeleleka ngale ndlela ilandelayo:

- Logisha kwiCEMIS.
- Khetha u-"Public Ordinary".
- Khetha isikolo sakho.
- Klikha ku-"Proceed". Yisa ikhesa kule ayithem yemenyu "Administration" uklikhe ku-"Norms and Standards Allocation". Khetha u-"N&S 2017/18".
- Liprinte iphepha elo.

Kucelwa uthathele ingqalelo oku kulandelayo:

- 1.1 Ulwabiwo-mali lubalwe ngokungqinelana nemigqaliselo ekwimihlathi 108 – 114 ye*National Norms and Standards for School Funding (NNSF)* ekwiGazethi kaRhulumente No. 29179, yomhla we-31 Agasti 2006.

1.2 Ngokomhlathi 114 we-NNSSF, amaSebe eMfundo amaPhondo avumelekile abe izabelo-mali ezingaphantsi kwezichazwe njengezixa ezithagethiweyo zango-2017 ngomfundi ngamnye ngokweNational Targets Table elapha ngezantsi, epapashwe kwi-Government Notice No. 12, kwiGazethi kaRhulumente No. 40065 ye-10 Juni 2016.

Emva kokuyiphonononga ngobulumko ibhajethi yethu, iSebe iWCED liya kusebenzisa i-6.2% ukunyusa isixa sesabelo kwitheyibhile yeethagethi zephondo (provincial table of targets) ka-2016. Isixa esiqingqiweyo sezikolo ezingabizi zifizi siya kuba yi-R1 215 ngo-2017.

**Itheyibhili yephondo yeethagethi zolwabiwo-mali zezikolo kumaBakala 1 -12 (2017-2019)**

	2017	2018*	2019*
NQ1 Ezingabizi zifizi	1 215	1313	1 387
NQ2 Ezingabizi zifizi	1 215	1313	1 387
NQ3 Ezingabizi zifizi	1 215	1313	1 387
NQ4 Ezingabizi zifizi	1 215	1313	1 387
NQ5 Ezingabizi zifizi	1 215	1313	1 387
NQ4 Ezibiza iifizi	623	656	695
NQ5 Ezibiza iifizi	215	227	240
<i>I-No-fee threshold</i>	1 215	1311	1 387

\*Amanani ka-2018 no-2019 (kutshintshwe nereyithi yeqondo lokuhla nokunyuka kwamandla emali eqikelelweyo) ngalawo aqikelelweyo eethagethi zikazwelonke njengoko bekucacisiwe.

1.3 Iileta zolwabiwo-mali lweN&S lwethutyana zibalwe ngokusebenzisa amanani obhaliso abafundi eSNAP yoSuku lwe-10 yango-2016.

1.4 ISebe leMfundo leNtshona Koloni (WCED) liya kuwajongisisa onke amanani obhaliso abafundi ezikolo kunye neSaveyi yoSuku lwe-10 ngo-2017. Iileta **zolwabiwo-mali lokugqibela** ziya kupapashwa kwiCEMIS ungalulanga owe-17 Matshi 2017.

**Iimali ezabiwe ngokwale setyhula mazichithwe ungalulanga owe-31 Matshi 2018.**

**2. Isicwangciso seentlawulo (WCED 032 Form)**

**IFom WCED 032 form imele ukusekelwa kulwabiwo-mali lokugqibela, njengoko kukhankanyiwe apha ngentla ku-1.4.**

**2.1 Izikolo ezibiza iifizi zezikolo**

Izikolo ezingekho phantsi kwesiqendu 21 kufuneka, phambi kowe-31 Matshi 2017, zahlule isabelo sazo se-N&S sonyaka-mali ophela nge-31 Matshi 2018 sibe ngokwamahlelo amane akwifom WCED 032 form, angala, iincwadi nezincedisizokufunda nokufundisa (LTSM), izinto ezithengwa kuloo ndawo inesikolo (local purchases) iinkonzo zikamasipala nezolondolozo (maintenance) kwifom WCED 032 form. Lakufumana ifom WCED 032 ezaliswe ngokupheleleyo, iSebe iWCED, liya

kuzitshekishisa iibhajethi. Izikolo ziya kwaziswa ukuba iifom zazo azenziwanga kakuhle ukwenzela ukuba ziphinde zingenise iifom *WCED 032 forms* ezihlaziyiweyo.

## 2.2 **Izikolo ezingabizi zifizi (No-fee schools)**

2.2.1 I-20% yaso sonke isabelo-mali saso se-N&S, eya kuhlulwa ezikolweni ngo-Apreli/Meyi 2017 mayigcinelwe ukuhlawula **inkcitho** yemihla ngemihla yokwenziwa komsebenzi **enganxulumananga nabasebenzi**. Izikolo ziya kwaziswa ngesi sixa-mali kwileta engesabelo-mali sazo se-N&S. Makukhunjulwe ukuba esi sixa-mali masisiqhube isikolo de kuye kutsho ku-Apreli 2018, apho kuya kufumaneka intlawulo yonyaka-mali olandelayo. Isabelo esiseleyo se-N&S sonyaka-mali ophela ngowe-31 Matshi 2018 masahlula-hlulwe phambi kwe-31 Matshi 2017 ngokwamahlelo amane akwifom *WCED 032 form*, (Jonga umhlathi 2.1 no-3.1 ngokumalunga noku).

2.2.2 Ukongeza, iintlawulo ezithunyelwa ngekhompyutha (*transfer payments*) kuzo zonke izikolo ezingekho phantsi kwesiqendu 21 zolondolozo (*for maintenance*) neentlawulo zeenkonzozikamasipala (kwezo zikolo zizihlawulela ngokwazo ii-akhawunti zeenkonzozikamasipala), ziya kuhlulwa ngolu hlobo lulandelayo: i-50% yesixa-mali esibhajethelwe zona (ngokwe-*WCED 032 form*) iya kuhlulwa ngo-Apreli-Meyi 2017, ize i-50% eseleyo ihlawulwe ngoNovemba 2017.

## 3. **Ukusetyenziswa kwesabelo-mali**

3.1 Isabelo-mali ngokwe-N&S senzela eyona njongo iphambili nengeyokuqala, ukuthenga iLTSM, ukuthenga kuloo ndawo inesikolo (*local purchases*), ukuhlawula iinkonzozikamasipala, ukubonelela ngezona zinto zibalulekileyo kulondolozo lwemihla ngemihla lwezakhiwo zesikolo, amabala nezixhobo zomsebenzi (ulondolozo olwenziwa sisikolo), kunye nokuhlawula ezinye iindleko ezikhoyo zemihla ngemihla. (i-20% yeN&S kwimeko yezikolo ezingabizi zifizi). Ingeniso yesikolo esiyenze ngokwaso, njengoko kuchaziwe kumhlathi 6 apha ngezantsi, mayisetyenziselwe kuqala ukongeza apho kushota khona kwezi zinto zilapha ngentla phambi kokuba isetyenziselwe ukuhlawula izithuba zengqesho zamabhunga olawulo.

**Kucetyiswa ukuba ngo-2017/18, izikolo zimele ukusahlula-hlula isabelo sazo ngokwamahlelo ngamahlelo enkcitho (*various expenditure categories*) ngolu hlobo lulandelayo:**

- I-30% isetyenziselwe ii-odolo zeLTSM zika-2018 ekufuneka i-10% yayo isetyenziselwe ukuthenga izinto zokufunda zaselayibrari. (ngamnye umfundi makabe nencwadi yesifundo emiselweyo ngesifundo ngasinye. Istokhwe seencwadi nezibonelelo zaselayibrari mazandiswe (*augmented*) qho ngonyaka de inani elipheleleyo lee-ayithem (*items*) libonise owona mgangatho usezantsi wamazwe ngamazwe umiselweyo (*minimum international standard*) wee-ayithem ezili-10 ngomfundi ngamnye. Jonga kumhlathi 3.1.1 apha ngezantsi, izinto ezinokufakwa phantsi kweLTSM.)
- I-20% esetyenziselwa ukuhlawula izinto ezithengwa kuloo ndawo inesikolo (*local purchases*).

- I-25% isetyenziselwe iinkonzo zikamasipala. **(Nakuba kunjalo izikolo zifanele ukwenza ibhajethi yepesenti enkulu kunoku ukuba iindlela zenkcitho zazo (*expenditure trends*) zenza ukuba oku kube yimfuneko;**
- I-25% isetyenziselwe ulondolozo lwesikolo;

**Ukukhutshwa kwemali (*shifting of funds*) kwi-WCED 032 form kumele kugqitywe ungasulungana owe-15 Septemba 2017.**

### 3.1.1 Izibonelelo ezincedisa ukufunda nokufundisa (LTSM)

(a) ISebe leMfundo esiSiseko kuzwelonke (DBE) lizicacisa izibonelelo ezincedisa ukufunda nokufundisa (LTSM) njengazo naziphi na izinto ezixhasa zize zenze kube lula ukufunda nokufundisa kanye eklasini okanye ekhaya (umsebenzi wesikolo wasekhaya). Zibandakanya oku kulandelayo:

- Iincwadi zezifundo (*textbooks*), iincwadi zokufunda (*readers*), iincwadi zokukhangela izinto-yinto (*reference books*), iincwadi ezimiselweyo (*prescribed books*), ii-atlasi (*atlases*) nezichazi-magama (*dictionaries*);
- Iincwadi zokwenza imisebenzi (*workbooks*);
- Iiphowusta, iimephu neetshathi zodonga;
- Iimidlalo efundisa okuthile ii-Educational board games;
- Izinto zokufunda zaselayibrari (ezingamabali angeyonyaniso (*fiction*) nezingamabali asusela kwizinto zokwenene (*non-fiction*), iincwadi zokukhangela izinto-yinto, iividiyo esezirekhodiwe, iiDVD, ii-odiyokhasethi (*audio cassettes*), ii-CD, ii-CD-ROM, ii-multi-media njl. njl.);
- I-software yekhompuyutha nokulayisenswa kwayo (*Computer software and licensing*);
- Izibonelelo ezisetyenziswa ngootitshala, ngabafundi, eziklasini naselayibrari.

(b) Ziyacelwa izikolo zisebenzise isabelo sazo esipheleleyo seLTSM ukuthenga iLTSM eya kwandisa ngamandla ize ixhase ukuphunyezwa kwe-Curriculum and Assessment Policy Statement (CAPS) eziklasini zazo. Ngako oko ke ziyakhuthazwa izikolo ukuba zisebenzise isabelo sazo seLTSM ekuthengeni iincwadi zezifundo (*textbooks*) zokongezelela, iincwadi ezimiselwe ukufundwa (*prescribed works*), ii-atlasi (*atlases*) izichazi-magama (*dictionaries*); iincwadi zokwenza imisebenzi (*workbooks*); iiphowusta, iimephu neetshathi zodonga, iimidlalo efundisa okuthile (*educational board games*), izinto zokufunda zaselayibrari (ezingamabali angeyonyaniso (*fiction*) nezingamabali asusela kwizinto zokwenene (*non-fiction*), iincwadi zokukhangela izinto-yinto, iividiyo esezirekhodiwe, ii-DVD, ii-odiyokhasethi (*audio cassettes*), ii-CD, ii-CD-ROM ne-software yekhompuyutha nezixhobo ze-Consumer Studies and Hospitality Studies and science laboratory.

(c) Phantsi kwale miqathango ilandelayo, izikolo zingabela i-LTSM imali encinane ukuba:

- ngamnye umfundi osesikolweni unencwadi yesifundo kwisifundo ngasinye kwaye unako ukufikelela kwizibonelelo zeLTSM ezizezinye;
- isikolo besisoloko sisithi qho ngonyaka sabe i-10% yesabelo seLTSM ekuthengweni kweencwadi nezibonelelo zaselayibrari zokwandisa istokhwe saselayibrari yaye inani lilonke lee-ayithem zaselayibrari kwistokhwe saselayibrari ngoku zii-ayithem ezili-10 ekulelona nani

lisezantsi limiselweyo ngokomgangatho wamazwe ngamazwe (*minimum international standard of 10 items*) ngomfundi ngamnye; yaye

- ibhunga lolawulo lithathe isigqibo ngokusesikweni malunga noku kutenxa kokumiselweyo. (Esi sigqibo sebhunga elilawulayo ngokumalunga nebhajethi, nekufuneka ingeniswe kwintlanganiso yabazali, masicaciswe yaye makunikwe isixa-mali esichithwe kwizibonelelo zeLTSM, ngomfundi ngamnye. Esi sigqibo masandlalwe kwintlanganiso yabazali, nokuba ngaba umphathi weseke the uyasixhasa okanye akasixhasi.)

(d) Indlela yokufunyanwa kwe-LTSM:

- Izikolo ezingekho phantsi kwesiqendu 21 mazilandele iinkqubo ezimiselweyo kwisiHlomelo A.
- Ngokungqinelana nemiyalelo ye-Ofisi kaNondyabo wePhondo, apho kungekho mvumelwano (*contract*) isebenzayo, iSebe iWCED liya kupapasha izicelo zeLTSM zazo zonke izikolo ezingekho phantsi kwesiqendu 21 kwi-*Integrated Procurement Solutions (IPS)*, nelawulwa yi-Ariba. Le sistim ivumela ukhuphiswano ngamaxabiso ngokungqinelana nemithetho ebhengezwe ngokwe-*Preferential Procurement Policy Framework Act, 2000 (Act 5 of 2000)*.
- Izikolo mazikhethe zonke izibonelelo zeLTSM zokongezelela (*top-up LTSM*) kwiikhathalogu zikazwelonke ezivunyiweyo ezikweli ziko lewebhu leSebe iWCED <http://wcedonline.pgwc.gov/branchPS/LTSM/index.html>
- Ukuba zifuna ukuncediswa ekukhetheni iincwadi nezibonelelo zaselayibrari, kufuneka izikolo ziqhagamshelane noMnu Timothy Cloete, uMququzeleli we-EDULIS weenKonzo zeeLayibrari zeZikolo (*School Library Services*), kule nombolo yefoni 021 957 9626. Kunokuqhagamshelwana nomcebisi ngezelayibrari yesikolo wesithili (*district school library adviser*) kunye/okanye nomququzeleli weziko elinguvimba wolwazi (*resource centre co-ordinator*) ngokumalunga nokuphuculwa kweelayibrari zezikolo.

3.1.2 linkonzo zikamasipala

- (a) Injongo yesabelo esinikwa izikolo ngokwe-N&S, phakathi kwezinye izinto, kukuhlawula ii-akhawunti zeenkonzo zikamasipala, ezibandakanya umbane, amanzi, ugutyulo lomphutha (*sewege removal*), ukuthuthwa kwenkunkuma (iinkonzo zokufumaneka nokusetyenziswa kwazo), kodwa asibandakanyi ukuhlawulwa kwerhafu yepropathi. Njengoko kwakunjalo kwixesha elidlulileyo, uRhulumente uya kuyihlawula irhafu yepropathi ebhaliswe ngegama likaRhulumente wePhondo leNtshona Koloni (PGWC) okanye leRiphabliki yoMzantsi Afrika kwiimeko ezithile.
- (b) Izikolo ezimbalwa zivakalise ukuba azifuni kulawula ii-akhawunti zazo zeenkonzo zikamasipala yaye ezi akhawunti zazo ziya kuqhubeka zihlawulwa yi-ofisi yesithili semfundo echaphazelekayo. I-ofisi yesithili semfundo iya kunika isikolo ngasinye iikopi zee-akhawunti zaso qho ngenyanga ngenjongo yokuba sizitshekishe kwaye singqine ukuba ii-akhawunti ezo zichanekile. **Isixa-mali se-WCED 032 fom simele oko kuya kumelwa kukuhlawulwa liSebe iWCED yaye**

**esi sixa-mali siya kusetyenziselwa ukuhlawulela iinkonzo zikamasipala. Izikolo ziya kumelwa kukuhlawulwa naziphi na iindleko zikamasipala ezenziweyo ngaphezu kweso sixa-mali sibhajethelwe oku kwi-WCED 032 form.**

- (c) Izikolo ezingekho phantsi kwesiqendu 21 mazibale imali ebekelwe iinkonzo zikamasipala ngokwenkcitho yazo yangaphambili zidibanise nomyinge wokuhla kwamandla emali (*plus inflation adjustments*) kwimali eziyigcinele iinkonzo zikamasipala zize ziyibonise kwifom WCED 032. Esi sixa-mali kunye nemali yolondolozo ziya kuhlulwa ngaxeshanye kwezo zikolo zavumayo ukuwenza lo msebenzi. **Apho singanelanga isabelo-mali se-N&S seenkonzo zikamasipala, izikolo zilindeleke ukuba ziyongeze zona ngokwazo imali yesabelo kwiingxowa zazo, apho oku kuyimfuneko.**
- (d) Phakathi kwezinye zezinto emazeniwe zizikolo, kukuphumeza amanyathelo okonga imali aboniswe kwiSihlomelo B.
- (e) U-Eskom noninzi loomasipala bavakalise ukuba bangazenza iimitha zombane ohlawulelwa ungekasetyenziswa (*pre-paid electricity meters*) ezikolweni. Oku kuya kwenza izikolo zibe nolawulo olubhetele losetyenziso lombane wazo.
- (f) **Apho kuye kwaqatshelwa ukuba izikolo azizihlawuli ii-akhawunti zazo zikamasipala, iSebe iWCED linelungelo lokuyibamba lingayikhuphi imali eyabelwe ezo zikolo ngokwesabelo seN&S ukwenzela ukuhlawula ezo zixa-mali zee-akhawunti zeenkonzo zikamasipala zingahlawulwanga egameni lesikolo esichaphazelekayo.**

### 3.1.3 Ulondolozo lwemihla ngemihla

- (a) Ulondolozo lwemihla ngemihla luthetha ukulungiswa kwamabala, ukucocwa, ukuhlaziywa, nokulungiswa kunye/okanye ukukhutshwa kwezinto ezonakeleyo kufakwe ezinye kwizakhiwo zesikolo. **Malwenziwe qho ulondolozo lwemihla ngemihla, ukwenzela ukuthintela ukugxagxiseka kwezakhiwo zesikolo de zifune ulungiso olungxamisekileyo lomonakalo omkhulu nobiza imali enkulu ngenxa yokungahoywa.**
- (b) **Apho singanelanga isabelo-mali se-N&S solondolozo lwemihla ngemihla, izikolo zilindeleke ukuba ziyongeze zona ngokwazo imali yesabelo kwiingxowa zazo, apho oku kuyimfuneko.** Izikolo mazizenzele ngokwazo ibhajethi yolondolozo lwemihla ngemihla ngokungqinelana nemeko yezakhiwo namabala azo.
- (c) Izikolo mazibekela bucala esinye isixa-mali kweso sebhajethi yonyaka ezabelwe yona sokusetyenziswa kulondolozo lwezixhobo zomsebenzi ezisetyenziswa ekuphuculeni amabala esikolo, umz. ukulungiswa kwemowa, ukuthenga ipeyinti yezitulo ezisemabaleni esikolo, ukuthenga ikalika (*lime*) nesichumiso (*fertiliser*).

(d) Isabelo-mali se-N&S masingaze sisetyenziselwe ulondolozo lwezixhobo lwemihla ngemihla kwiihostele zokuhlala. Olu hlobo lolondolozo maluxhaswe ngemali yeefizi zabafundi yokuhlala ehostele nangeebhasari.

3.2 Izikolo mazibonise izabelo-mali ezenzelwe ulondolozo lwezakhiwo, amabala nezixhobo zokusebenza njengesixa-mali esinye kwifom WCED 032.

3.3 Apho izikolo ezingekho phantsi kwesiqendu 21 zithi zigqithise kwisabelo sazo se-N&S, ngenxa yaso nasiphi na isizathu, iSebe iWCED liya kuyifumana nayiphi na inkcitho engaphezulu ngokuyixhuzula kwisabelo sesikolo se-N&S sonyaka-mali olandelayo. Oku makungajongwa njengokukhuthaza izikolo ukuba zigqithise kwizabelo-mali ze-N&S zazo.

#### 4. Isabelo-mali seN&S **ASINAKO** ukusetyenziselwa oku kulandelayo:

- **Ukuhlawula abasebenzi abaqeshwe libhunga lolawulo**
- **Izakhiwo ezitsha**
- **Inkcitho kwiihostele**
- **Iimali-mboleko ezinikwa abantu okanye amanye amaziko**
- **Izithuthi**

#### 5. **Ulungiso lomnakalo omkhulu ongxamisekileyo**

Ngokomhlathi 97 weNNSFF, iSebe iWCED liyalwamkela uxanduva lolungiso olungxamisekileyo lwezakhiwo ezonakeleyo, ngokuxhomekeka ekubeni ikho imali ebhajethelwe ukwenza olo lungiso lwezakhiwo. Ezi ntlobo zolungiso lomnakalo zilandelayo ziya kuqwalaselwa ngokungqinelana neenkqubo ezikwiSetyhula 175/2000:

##### **IHLELO A**

**Umonakalo omkhulu** odalwe ziintlekele zendalo, iingxaki zesakhiwo (*structural problems*) nemililo.

ISebe iWCED liya kuyithathela kulo le misebenzi yolungiso lwezakhiwo olungxamisekileyo kuphela xa iindleko zingaphezu kwe-R10 000 nangokuxhomekeka ekubeni ikho imali eyaneleyo.

ISebe iWCED liya kuthi kwakhona, ngokwengqiqo yalo, lijonge ukuba alinakufaka mali yokuhlawulela umonakalo kwi-akhawunti yebhanki yesikolo ukwenzela ukuthenga izinto zokwakha kwiimeko **apho ungemkhulu kangako umonakalo**.

#### 6. **Ingeniso eyenziwa sisikolo ngokwaso**

Ngokwesiqendu 36 (1) soMthetho weZikolo zaseMzantsi Afrika, (uMthetho 84 ka-1996), amabhunga olawulo makathathe onke amanyathelo afanelekileyo okongezelela kwisabelo sikaRhulumente ukwenzela ukuphucula umgangatho wemfundo efundiswa sisikolo **kubo bonke abafundi esikolweni**. Nangona izikolo ezingabizi zifizi kunyanzelekile ukuba zingabizi zifizi (kubandakanywa neefizi zobhaliso), ziyakhuthazwa ezi zikolo ukuba ziqokelele iminikelo ekhutshwa ngokuzithandela (*voluntary contributions (donations)*) yaye zenze izinto zokunyusa ingxowa (*fund-raising activities*).

## 7. **Ukunika ingxelo**

- 7.1 Ibhajethi evunyiweyo yesikolo mayingeniswe kwisithili semfundo esichaphazelekayo ungadlulanga owe-01 Disemba kunyaka ngamnye.
- 7.2 Zonke izikolo mazingenise le fom *WCED 043 form* (ingxelo engeniswa kabini ngonyaka) kwisithili semfundo esichaphazelekayo zingekapheli iintsuku eziyi-30 ukususela ekupheleni kwikota (inkcitho eya kutsho kwi-30 Juni nakwi-31 Disemba). **Imali iya kuhlululwa ezikolweni kuphela xa kufunyenwe ezi ngxelo WCED 043 ezanelisayo malunga nemicimbi yemali yeekota zangaphambili.** Ngaphezulu, isiqendu 43 (5) seSASA sifuna ukuba izikolo mazingenise (ukuze ziqwalaselwe ngumlawuli wesithili esichaphazelekayo) ikopi yeseti yeengxelo-mali zazo eziphicothiweyo (*audited set of financial statements*) zonyaka-mali ongaphambili ungekadluli owe-30 Juni kunyaka ngamnye.

## 8. **Eminye imiqathango**

- 8.1 Ibhunga lolawulo malibe nolawulo olululo kwingeniso nakwincitho njengoko kucacisiwe kule ncwadana *Manual: Basic Financial System for Schools* eyakhutshwa yiNtloko yeSebe leMfundo ngokwisiqendu 38 (1) seSASA. Ukuba amalungu ebhunga lolawulo akanabo ubungcali obuyimfuneko bokwenza lo msebenzi ngendlela eyiyo, makatyumbe (*co-opt*) umntu oya kuba nako ukuwancedisa.
- 8.2 Yonke imali yesikolo, efunyenwe kwisabelo-mali sikaRhulumente naleyo ivela kwisikolo ngokwaso, mayisetyenziselwe iinjongo ezinxulumene ngqo nezemfundo, njengoko kucacisiwe kwisiqendu 37(6) seSASA, kubandakanywa nokuthengwa kweLTSM. Ngokomgaqo-nkqubo weSebe iWCED, makungaze kwenziwe iikopi zeencwadi zezifundo ezimiseliweyo (*textbooks*) kunye neencwadi zokufunda (*readers*) njengoko oku ikukunyasha uMthetho weLungelo eliValela uKwenziwa kweeKopi, 1978 (uMthetho 98 ka-1978) (*Copyright Act, 1978 (Act 98 of 1978)*).
- 8.3 ISebe iWCED linelungelo lokuhlola iirekhodi ezinxulumene nemali yesikolo kunye nokuthatha amanyathelo ngakuye nawuphi na umsebenzi/utitshala wesikolo okanye ilungu lebhunga lolawulo, ukuba lithe lachaphazeleka kwizenzo zokusetyenziswa gwenxa kwemali yesikolo. Ngako oko ke izikolo mazigcine bonke ubungqina bengeniso nenkcitho ukulungiselela le njongo.

## 9. **Isicelo sokufakwa kwesikolo phantsi kwisiqendu 21**

Izicelo zokutshintsha ukusuka ekubeni sisikolo esingekho phantsi kwisiqendu 21 sibe phantsi kwisiqendu 21, mazingeniswe ngokuqala kugqithwe kwi-ofisi yesithili ukuya kwaNdlunkulu phambi okanye ngowe-24 Februwari 2017 ngale fom iqhotyoshelweyo (IsiHlomelo C). Izikolo eziphumeleleyo ziya kufakwa phantsi kwe siqendu 21 ukususela kunyaka-mali olandelayo kuphela, o.k.t. ukususela kowe-01 Apreli 2017.

**Izicelo ezifike emva kwexesha ziya kwenza ukuba isikolo sifakwe phantsi kwisiqendu 21 ukususela ku-Apreli 2018.**



10. **Ileta yolwabiwo-mali lwango-2016/17**

**Imali eyabelwe izikolo ngokweSetyhula 0063/2015 mayisetyenziswe iphele zizikolo phambi kowe-31 Matshi 2017.**

11. **Nazi iinombolo zoqhagamshelwano zokubuza imibuzo**

<b>Isihloko</b>	<b>Igama</b>	<b>Inombolo yefoni</b>
lifom WCED 043 zeengxelo ezingeniswa kabini ngonyaka neengxelo-mali zonyaka eziphicothiweyo	USEkela-Mlawuli we-Ofisi yeSithili - weeNkonzo zezoLawulo lweZiko	Yeye-ofisi yesithili semfundo esichaphazelekayo
Ukungeniswa kwefom WCED 032 (ukuhlelwa kolwabiwo-mali lweN&S)	Nks P Phillips	021 467 2326
Ukuthengwa kwe-LTSM (WCED 034 form) nokuthengwa kwezinto kuloo ndawo inesikolo (WCED 026 form). ukulungiselela izikolo ezingekho phantsi kwesiqendu 21	Mnu B Le Keur Mnu B Stoffels	021 467 2094 021 467 2345
Iintlawulo ezifakwa kwii-akhawunti zebhanki zezikolo (Izabelo-mali ze-N&S))	Ms M Paulsen	021 467 2771
Ulungiso lomonakalo olungxamisekileyo	Mnu GP Nieuwoudt	021 467 9347
I-e-Learning UMququzeleli we-EDULIS weeNkonzo zeeLayibrari zeZikolo	Mnu C Walker Mnu T Cloete	021 467 2351 021 957 9626
Imibuzo ngokubanzi: IMimiselo neMigangatho (kungabandakanywanga iintlawulo ezenziwa ngekhompyutha)	Mnu L Sangqu Nks A Bakubaku Mnu L van Wyk Inombolo yeFeksi:	021 467 2608 021 467 2041 021 467 2658 086 731 8900

**ISAYINWE:** NGU-BK SCHREUDER  
**INTLOKO EBAMBELEYO:** YESEBE LEFUNDU  
**UMHLA:** 2016-09-27